

۸۰ رمضان ۱۳۳۱

بازار ايرتسى

۲۹ توموز ۱۳۲۹

عدد — ۵۷

امور اداره و تحريريه و اعلانات و ساثره
ايچون مدير مسئوله مراجعت ايدمليدر.

هرقاي امتك مقالات متصوفانه لرينه
جریده صوفیهك صحیفه لری
آچيقدر .

جریدہ صوفیہ

شیمدیلك هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آلتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیہ در

ایتمون سوکرا سنی عووهبا آتش قهر جهانسوز خدا
طلب ایارسهک اگر طوغری و بول ائی آدمه قونوش انسان اول
اوله مزکر سکا لازمه انیس کتب نادره وش خیر جایس
اوقو تفسیر وحیث و قرآن اوله سک واقف اسرار جهان
همدمک حضرت قرآن اولسون نور ایمان ایله سینک دولسون
صوک سوزم بوسکا ای عبد خدا عرض و ناموس و وقارکله بشا

ع. رضا

استاد ادب حضرت سعیدی

بنده بیلم مسلك و مشواری
قاب محزونم هم آغلار ، هم کولر
دیكلم فریاد آتشیاری
اشك جیجونم هم آغلار ، هم کولر

§

شاشدی عالم حال مجنونانه
کولدی دنیا حالت شوخانه
آغلادی دوران غم روحانه
روح مفتونم هم آغلار . هم کولر

§

قصدی حیرتدر جهان خندهدن
مقصدی بیلم ندر کر بندهدن ؟
اخذ نار اولمش مرادی بندهدن !
بخت وارونم هم آغلار ، هم کولر

سری

غزل ، کنجینه

رنك اصغر کورونور جسم زارمه بنم
امل احمر دولودر سینک زارمه بنم

کلشنمه آجیلیر ورد مطرای ازل
منجلی بانك خدا لحن هزارمه بنم

یتیشیر سنبله وجد و صفا خاکدن
کل آچار ، سنبل آچار مزرعه زارمه بنم

بن اودل بنده اولاد علی یم که بتر
کابن عشق ، اولور سه مده مزارمه بنم

الف آلاف دبسم ، ماحصلی واحددر
یک اولور یار هزاران هزارمه بنم

سری

جریده من محررلندن اسماعیل حق بکک پدری اکاه پاشا
مرحومک غزل عارفانه لریدر .

رموز ایخاده وعد اظهار لقا ایتدک

یینه فرط ظهورکله نه حکمت اختفا ایتدک
کورندک سورت آدمه عکس نور ذاتکله

عجب بر ذره بی آینه عالم ایتدک

مظاهر مظهر سر صفات پاک اولمشدر

عبث خلق ایتدک برشی مجرد هپ بجا ایتدک
زی بیک کوستروب اضداد اسماء اقتضاسندن

هر اسم آینه سنده بیک نجلی رونما ایتدک

خداوند کمال فضل واحسانکله حمد اولسون

دل آکاهی شوق انکیز حب مصطفی ایتدک .

نعت شریف

هر طرف اسرار وحدتن نشان اولدی بکا

ذوق وصات سمت جانندن عیان اولدی بکا

هر ایکی عالمه مقصودم جمال اللهدر

درد دل عشقک یولنده یار جان اولدی بکا

قابله انوار حق دائم تجلی ایتمده

غیری بوندن بویه وحدت آشیان اولدی بکا

بود و نابود جهان سویار انا الحق سرینی

هر بری درس معارفدن بیان اولدی بکا

بر تجلیسی قوی و صافه فیضا فیض اولور

الهی کاهم خدای مستعان اولدی بکا

حسین و صاف

کچن هفته نشر اولنان نعتک بشنچی بیتنده کازار عشقنده دنیله جک
ایکن سهو ترتیب اولورق وصات عشقنده دیزلمش اولقله تصحیح اولور .

فتوحات اسلامیة

یرموک و قهقهی

خالد بن الولید ایله معیتک (یرموک) و صوابله عساکر اسلامک

مقداری قرق بیگه بالغ اولدی . روم اردوسی ایسه تمام ۲۴۰۰۰۰
کیشیدن عبارت بولونوبوردی .

خلدک ورودندن اول مجاهدین اسلام ، بر قاج مصادمه یامیش
وبولارده هرامیر ، کندی معیتنه قوماندان ایتشدی .

خالد، امرايك بنه بواصولي تعقيب ايتك ايسته ديكني اكلانجه هپني دعوتله برنطق ايراد ايتدي و آري آري دكل بر قوماندانك امرينه تابع اولمك لزومندن بحث ايله :

— بوكون، عموم قومانداني بكا ورك . يارين، او بركونده چرا ايله بهركز قوماندان اولك . بوكون، روملري بيلديروب خندقلرينه قاجير ايليرسك برداها كنديلريني طويلالامازلر، ماذالله بز رحمة مجبور اولورسقي آرتيق فلاح بولاماز . ديدى .

امراي اسلام، خالدك سردارلني قبول وامرينه اطاعت ايتديلر . محاربه به باشلانيلاجني صيراده روملر، عربلك بيلمه ديكى برطرز تعبيه ده، يعنى (صف حرب) اصولنده دكل، طابور تشكيلاتنده اولارق ميدانه چيقديلر [۱] . خالد، بوني كورونجه قوتى اونوز آلتى طابوره و مجموعنى (مقدمه) (قلب) (ميمنه) (ميسره) (ساقه) اسمنده كي قسملره تقريبي ايتدى . هر طابوره مشاهير شجاعاندى برينى ضابط تعين ايتديكي كي مقدمه بى (قباث بن اشيم) ك، قلبى ابو عبیده ك، ميمنه بى عمرو بن العاص ايله (شرحيل بن حسنه) نك ميسره بى (زيد بن اب سفيان) ك، ساقه بى ده (عبدالله بن مسعود) ك اداره سنه توديع ايله دى .

۴۰۰۰۰ كيشيك مسلمانه قارشى ۲۴۰۰۰۰ كيشيك روم اردوسنى كورن بر مجاهد، خالد بن الوليد :

— مسلمانلرك قلتنه رغما روملر نه قدر چوقا ديه چك اولدى . خالد، در حال :

— مسلمانلرك كثرته مقابل روملر نه قدر آزا جوايى و برمكله برابر (عكرمة بن ابى جهل) و (قعقاع بن عمرو) محاربه به باشلامالريني اشارت ايتدى .

حربك قيزيشديني اشناده مدينه منوره دن (محبة بن زعيم) اسمنده برى كلدى . اوردو افراندن بوني كورنلر، باشنه طويلانوب دارالخلافة نك احوالندن صورديلر . — سلامت وامداد . ديدى .

[۱] عربلر، قبل الاسلام (كزوف) اصوليله، يعنى فرصت بولمجه صالديرمق و عاجز قالدقجه صاوشوب تكرار هجوم ايله مك طرزنده حرب ابدلرلدى . (اذ الله بحالدين يقاتلون في سبيله صفاء كاهم بنيان مرسوم) آيت كريمه سى نازل اولونجه (زحف) ده نيلن صف شكلنده محاربه ايتبه باشلاديلر . بالاخره (كراديس) . تقسيم صورتيه مصادمه احداث اولوندى و بواصول، برمك محاربه سنه روملردن آليندى .

روملر، عسكريلريني (كورئيس) ديدكاري طابورلري . اوردولريني ده (پيشدار) (جناحلر) (مركز) و (دمدار) اولقى اوزره متمدد اقسامه آيبرلردى . ايرانيك اصول تعبيه سى ده هنان بوكا ياقين ايدى . ايشنه عسكر اولاراق ياراديلمش بولونان خالد بن الوليد، قارشيسنده كي دشمنك طرر تعبيه سى كورونجه معتق اوصورتله ترتيب ايله مش و (كورئيس) لفظى آت سوروسى، سوارى آلايى . معنسه كن (كرده س) كله سنه بالتبديل (كراديس) ديه جمله نديريلمش، شش بويوك فسمه متقسم اولان اوردو به ده (خميس) تعبير ايديامشدر .

حال بوكه سديق اكبر حضرتلري وفات ايتمش، فاروق اعظم مقام خلافته چكمش، خالد بن الوليدى سردارلقدن عزل ايله رينه ابو عبیده بن الجراحى تعين ايله مشدى .

خميه، ايشته بو خبرلري كه تيرسيوردى . حامل اولدني اسرى، خالدله ابو عبیده به كيزليجه بيلديردى . هر ايكي سى ده (سمعنا و اطعنا) ديديلرسده اعلانك حربك نهايته تعليق ايتديلر .

بوصيراده روم اوردوسندن بر سوارى جيقوب خالد بن الوليدى چاغيردى . اوده اجابت ايتدى . بر برلرينك هويتلريني اوكره نوب بكديكيرني تا مين ايله ديار .

بوسوارى روم قوماندانلردن يوركي [۱] نامنده برى ايدى . خالد ايله آرلنده شو محاوره كچدى :

— يا خالد ! بكا طوغروجه خبر ویر . بيليرسك كه حر اولان يالان سوبله مديكي كي كريم اولانده خدعه به نزل ايتز . الله، سنك پيغمبر كزه كوكدن بر قيانچ اينديردى، اوده سكاي وردى كه چكديك اوقيليجله اوزه رينه بوروديكك هر قومي مغلوب ايديلورسك ! — خابر .

— اوبله ايسه سكا به (سيف الله) ديورلر ؟

مابعدى وار

طاهر المولوى

خطيب الروضة تخميس البرده

بِسْمِ اللَّهِ الرَّحْمَنِ الرَّحِيمِ

۳۴

۳۳

زَعَمَ الْبَنِي مُقَصِّصُ الْمَنَاصِمِ وَغَنَ
وَمَصْعَبُ الْأَمَلِ ثَمَّ دَعَى وَحَزَنَ
وَقَابِقُ الْأَهَمِّ لِمَنْ خَفَى وَعَانَ
وَكَيْفَ تَدْعُو إِلَى الدُّنْيَا ضَرُورَةً
لَوْلَا لَمْ تَخْرُجِ الدُّنْيَا مِنَ الْعَدَمِ
النَّاطِقُ الْحَقُّ مِنْ جَبَلِ التَّيْنِ هَدَى
وَمُبْعَدُ الشَّرِّكَ أَذْهَمَ فِي أَمَانَةِ غَمَى
وَهُوَ الْمُنَاجَى مِنَ النَّبَرَانِ حَبَنَ بَكَى
وَيَحْمَدُ سَيِّدَ الْكُونَيْنِ وَالثَّقَلَيْنِ
ن وَالْقَرِيفَيْنِ مِنْ عَرَبٍ وَمِنْ عَجَمٍ

۳۶

۳۵

بِالْوَصْلِ وَالْفَصْلِ مِنْ مَوْلَاهُ مَطْرَدَ
مُفْضِلٍ وَمِنْ الْأَوْحَى لَهُ سَنَدَ
وَالْخَيْرِ وَالشَّرِّ مِنْهُ كُلُّهُ صَمَدَ
نَبِيْنَا الْأَمْرُ النَّاسِحَى فَلَا أَحَدَ
أَرَى فِي قَوْلٍ لَامِنُهُ وَلَا نَعَمَ
لِكُلِّ هَوْلٍ مِنَ الْأَهْوَالِ مُقْتَحِمَ
تَالِ الْمُنَافِقِينَ كَانَتْ رِسَالَتُهُ
وَفَازَ مِنْ نَصْرِهِ تَبْدَى رَعَابَتُهُ
وَجَابَ لِلَّهِ عَوْنًا فَهِيَ جَاهَتُهُ
هُوَ الْحَبِيبُ الَّذِي رَجَى شَفَاعَتُهُ

[۱] حرب ناربخلرنده اسمى (جُرجه) در .